

**HAUTESKUNDEAK.** Bi alderdietako negoziazio ordezkariak Sabin Etxean bildu ziren atzo

# EAJk eta EAK ez dute lortu akordiorik hauteskundeetara koalizioan joateko

Jarrerak bateraezinak direla ondorioztatu, eta bi alderdiek negoziazioak eten dituzte

Humberto Unzueta | BILBO

Gauzak aldatu ezean, EAJ eta EA bakoitza bere aldetik aurkeztuko da datorren maiatzaren 25eko udal eta foru hauteskundeetara. Bi alderdien ordezkariak Bilbon atzo egin zuten bileran ez zuten akordiorik lortu, eta negoziazioak eteteko ohar bateratu bat aurkezte erabaki zuten, negoziatioetan zehar izan dituzten desadostasun eta ika-mikak ez plazaratzeko.

Bi alderdietako ordezkariak atzo arratsaldean bildu ziren EAJren Bilboko egoitzan, Sabin Etxean. Bileraren aurretik, jarrerak aurreko egun eta asteetan baino hurbilagoak zeuden zenbait puntutan adostasun bat erdietsi zutelako, besteak beste batzar nagusietako, Nafarroako legebiltzarreko eta Hegoaldeko lau hiriburu eta udaletan.

EAJk nahi zuen koalizio orokorretik eta EAK eskatzen zuen tokian tokiko koaliziotik erdibide bat aurkitzeko eseri ziren batzuk zein besteak atzoko bileran. Erakunde nagusietako zerrenden azia bideratuta, herrietako koalizio zerrenden osaketa zen gainditu behar zuten koska. Eta horretan ez zuten adostasunik izan. EAren negoziazioen inguruko iturriek EGUNKARIARI adierazi ziotenez, «ez gaude prest hainbat udaletan daukagun ordezkariak galitzeko».

Negoizazio prozesuan zehar EAK agertu die jeltzaleei egun dituzten hainbat alkatetza galtzeko arriskua dagoela EAJren irizpideak kontuan hartuz gero. Jeltzaleek 2000ko hauteskunde nagusietako emaitzak hartu dituzte kontuan negoziatioetan ezinbesteko baldintzat. «Irizpide horri jarraiki, egun



EGUNKARIA  
Begoña Errasti eta Xabier Arzalluz, 2001eko martxoan, hauteskunde koaliziorako hitzarmena sinatzen. Aurten ez da halakorik izango.

## ETENA

**Bi alderdiek prentsa ohar bateratu baten bidez adierazi dute negoziatioen etena**

hainbat udaletan ditugun alkate eta zinegotziak galduko genituzke», diote EAKo iturriek, Legazpi eta Urretxuko udalak aipatuz. Eusko Alkartasunak 1999ko udal hauteskundeetako irizpidea proposatu du negoziatioetan zehar.

EAJ eta EAKo negoziatio batzordeak plazaraturiko ohar bateratuak berresten du koaliziorako «eremua» eta «hauteskun-

deen aplikazio» irizpidea izan direla desadostasunaren funtsa.

Oharrak ez du negoziatioak eten direnik aipatzen, ezta koaliziorako akordiorik lortu ez dutenik ere, baina azaroaren 20an harremanak eten ondoren, beste aukera bat eman zioten elkarri eta aste hau jarri zuten zirt edo zart egiteko.

Negoizatioetan izandako desadostasunak ez aieratzeko, prentsa ohar baten bidez jaki-

narazi dute negoziatioen etena. Desadostasunak desadostasun, bi alderdiek 2001eko maiatzaren 13ko hauteskundeetan hartutako konpromisoa berresten dutela dio oharrak, «bereziki gure herriaren bake bideratze eta normalizaziorako lanetan, gizarte justuago eta euskal hiritarren borondatean oinarritutako beste esparru juridiko-politiko bat bilatze lanetan».

## ARALAR

**Aralarrek hilaren 22rako manifestaziora deitzeko asmoa agertu du**

H.U. | BILBO

Aralarrek Donostian abenduaren 22rako manifestaziora deitzeko asmoa du, Ibarretxek ETA kanpora lelopean Bilbon deitu duen manifestazioraren egun berean.

Dagoeneko leloa finkatuta ez duten arren, ekimena elkarriketa, ETAren su-etena eta autodeterminazio eskubidea aldarrikatzeko xedez bultzatu du Aralarrek. Batasuna lege kanporatzearen aurka ekainaren 15ean Bilbon egin zen manifestazio handiaren espirtua berreskuratu nahi dute deitzaileek. Orduan, Aralar, EA, EB-IU, AB, Batasuna, LAB eta ELAK bat egin zuten *Pertsonek guztiak, ideiak guztiak, egitasmo guztiak* zioen pankartaren atzean. EAJko hainbat buruzagik ere manifestazioarekin bat egin zuten.

Egunotan Aralarrek kontaktuak izan ditu alderdi eta sindikatuekin, Donostiako manifestaziorako atxikimenduak bilatzeko. EGUNKARIARI jakin izan duenez, bihar Bilbon egingo den bilera batean erabakiko dituzte ekimenaren zehaztasun guztiak, tartean manifestazioaren data. Hala, Zabaletak adierazi du Donostiakoa ez dela «kontramaniestazio bat», eta Ibarretxek deituriko manifestaziorari errespetu osoa zor diola.



**Kultura Sailak diruz lagundutako egunkaria**

# HEMEN GARA/SOMOS

euskal guztion eskubidea

lingua navarrorum: un derecho de todos

ikasi eta hitz egitea

ofiziala

## MANIFESTAZIOA

Abenduak 14, Larunbatarekin, 17:30etan Golemetatik abiatuta  
Sábado 14 de Diciembre, 17:30, desde los Golem

**OINARRIAK**